

671.1121

084

11



第一編

集隋故長陵縣令盧君
墓誌銘字

民國廿三年夏竹齋



中華民國二十四年五月

涿縣志

邑人周存培題



重修涿縣志序

縣之有志猶國之有史也大義通例具體而微而已大而天地經緯星躔分野小而山川人物政事民風咸列簡編以傳後世而資觀感攷古籍類如邊防都邑之略郡國利病諸著皆私家史輿之專書也而華陽元和兩志尤開縣志先型顧一州郡之史事所關於民族遞嬗國家興替者至重且大洵爲一代學士大夫之責而不可忽者也民國十九年冬予奉檄爲涿長視事之初將欲求施政之由徵覽舊志始知絕而未續者六十餘年茲事之久廢也深堪惜焉夫涿有關於吾民族也由來遠矣溯黃帝之始基也率吾華族自西東漸葦路藍縷以啟山林誅蚩尤於涿鹿之野驅除異類安宅中土至今涿之西郭蓋有蚩尤塚云迨至虞舜肇十有二州封十有二山涿仍堯建爲幽首府東迄遼水西起太行醫巫閭山實爲幽鎮延廣二千餘里皆幽地也降及漢季復於幽之東鄙置玄菟樂浪諸郡樂浪東暨當今朝鮮平壤故城去秋夷禍卒作虔劉我東省妄言遼地非華本土若非典籍可徵將何以明其詐質其

枉哉輿史舊志其有關於吾圉也如此且涿人文特盛自古迄今不衰其姓氏傳紀固已備詳志中不復具載而尤以劉琨祖逖二人乘板蕩之秋奮鷹揚之志抵挫異族爲炎胄爭光地靈人傑信其然也然則修涿志於夷寇侵陵國步艱難之際其意義不更大乎況涿志輟廢六十餘年其間外侮紛乘視往代爲鉅災祲喪亂變法更張亦較古昔爲繁其盛者革四千年專制殘局開二十年共和新軌易科舉爲學校習武事衣胡服四裔文化互通萬國車書異制自頃以黨建國以黨治國三民主義爲國大經革故鼎新咸關將來資鑑且也涿地迭經兵燹圖籍散亡掌故舊聞端資故老傳述私人紀載當此耆宿健在工史例能文章續修涿志可謂得其時宜其人矣初議甫決遂先聘名宿士紳張摘辰周葆生蕭佑卿陳濟生高琴堂吳伯彝諸子主董其事縣黨部及各機關首長咸熱心贊茲盛舉而邑之文士且盡與焉富室搢紳亦慨助膏火紙筆之資分類執事閱兩月而規模麤具適

省府通令各縣修志限期上報將爲省志張本遂一舉而兩益備焉按涿志以故州

牧吳山鳳所修本爲善後曾一續祇增益吳志之條目而已今茲所修仍本吳志取材凡其不合時制及舊無建置者分別而增刪之值國難期內而志成閱時一年又半後予解組已三月矣繼任者遼陽馮君繼唐親觀其成完茲大業涿人士以予曾與從事特於付梓之日函予索叙予不學無文爰述其實還以報之是日也東望遼天風景不殊舉目有河山之異緬懷先民不禁感慨係之矣是爲叙

大中華民國二十一年九月十八日閏陽宋大章叙於燕京寓廬

序二

縣之有志所以記自然之現象人事之沿革與夫文化之或興或替陳述既往而昭示來茲者也所包容者既廣則敘述之法爲要於是乎修志者咸致意於體例之得失焉清之盛時陸稼書先生爲靈壽縣志取例極嚴樹體最正厥後之修志者率多宗之蓋當時推崇聖治維護先師醇然儒家之言思無悖聖賢著書之旨斯爲得已今我國家外受強鄰之侵內多政變之擾昔日閉關自足之勢不能復守人民之生計社會之事業無不爲此界橫流所掃宕故物幾難保守國步益以艱難有志之士遂取中外物質精神諸文明比較之而判得失別去留用以謀復興策強盛夫國之基在縣所以爲國富強之資者須一一於縣樹其基教育必求其普及實業必使其振興建設之次第實施治安之確切保障均應講求於一縣之中然後推之全國而著者也果能百務循序而進使民生計無不充社會事業無不舉則一縣之內土地闢而利澤溥矣工商櫛而民生裕矣民智增而文化日高人皆安居樂業夫然後

統一縣之事物計其得失榮衰之蹟以及經營締造之人於事觀其消長之因於人察其成敗之數筆之於書以爲致力之準斯名縣志體例固不侔也而爲用豈不大哉尙何有於泥守舊日體例填砌以成篇章者也舜生始觀涿政半載而重修涿縣縣志以脫稿聞感夫編輯者之賢勞採訪者之周密以及資助者之熱心公益歷二年之久始斐然蔚然成書凡八編於是知此邦人士對於人民生計社會事業必能羣策羣力共觀厥成今欲相與致力所以躋一縣於富強之域者當無慮夫寡助矣式宣我懷殿於篇末爲序

中華民國二十一年十一月

遼陽馮舜生序

序二

綜覽古今中外文獻典籍凡成一帙每歷相當時期始行於世蓋不有倡其先者無以集於中不有善其後者無以觀厥成理有固然勢所必至也邑乘雖小而關於地方文化進步政治沿革經濟發展人物盛衰又豈可例外視之哉矧經六十餘年之陳述一旦欲重修而續之則斷非率爾操觚所能藏事維善來宰涿邑下車伊始詢悉縣志編纂委員會由前任宋君寰文倡立於前馮君繼唐踵行於後聘請地方耆從事修纂歷時兩年初稿始脫斐然可觀但困於印資未遽付梓當即竭力籌劃以期有成嗣由黨政各機關領袖鑒於時日得以寬假遂約請士紳及專門學者分任審查加以整理畧者詳之闕者補之又越一載分輯八編舉凡輿圖標識經緯度數經濟狀況水利溝渠以及古蹟金石文字繪畫之影印一一搜羅而增益之準今酌古精益求精實打破歷史上舊紀錄而開縣志之新紀元也至縣屬三坡又復迭加採訪釐訂專編巨細兼收猶爲詳盡計自民國二十一年至二十四年經過相當

時期而事猶擱淺善後之責尙容有旁貸乎茲將再稿付諸棗梨成寔文欲成之志
竟繼唐未竟之功此志告成得與古今中外文獻典籍相輝映匪獨於湯有光即參
加編纂採訪籌辦審查校印諸君不亦榮幸而愉快乎姑誌始末弁諸卷首俾披覽
斯志者知此舉良非易易希有以鑒諒焉云爾乙亥夏臨溟孫維善序於河北涿縣
政府

序四

涿志昉於明成化乙巳成於清康熙丁巳雖具有成書仍苦未臻完備迨乾隆乙酉知州事吳公山鳳以前志疎略倡議重修萬卷圖書儘供攷訂六房案牘足備參稽考獻徵文補殘正誤有條不紊閱者稱之越百餘年至同治壬申州牧周公紹達復事續修除人物藝文諸門略有增加續於舊志之次餘僅就舊志之訛略處爲之校正迄今又六十年適去歲

省政府將修全省通志徵集各縣事蹟 宋寰文明府方牧斯土乃集邑人從事編纂事既竣邑之人士僉以縣志久未修也請於 宋公凡省令所徵皆足爲邑志藍本就此重修事半功倍議既定乃詳其略增其闕考政治之沿革正輿地之謬誤六閱月始脫稿惟此六十年中耆老云亡諮詢匪易兵燹之後檔冊銷殘僅就所知依次編輯其採訪未及文獻無徵者未免尙有遺憾至若時移世易事與時違者舊志可稽亦不復贅屬稿既就爰誌其梗概如右

江蘇省海鹽縣志

中華民國二十一年歲次壬申八月修志同人謹序

重修涿縣志委員會職員一覽

籌辦

吳爲憲

張錫麒

茅愷

蕭彥輝

劉葆筠

周椿緒

溫址峯

沈維銓

高振聲

督脩

宋大章

馮舜生

孫維善

總纂

周存培

張星樓

分纂

陳惠

蕭啟宗

楊荃

徐景智

校對

劉鍾策

蕭承宗

張學銘

陳文賓

林鴻勛

採訪

劉鳳奎

焦潤之

徐桂華

王德桂

魯廷弼

張子楨

陳慙

蕭士瑤

周奎齡

方天沛

馮樹勛

李樹藩

方培鑫

尙誼

盧宗藩

蕭述宗

蕭嗣宗

張宗耀

任維屏

周寶華

史學超


劉恩堦

周椿全

王右文

趙承緒

繪圖 臧國政 朱賡元 吳震華



涿縣志纂編委員會同人合影

涿縣志目錄

涿縣輿圖

涿縣城圖

第一編 地志

第一卷

經緯 沿革 位置 面積 山脈 河流 附溝洫 氣候 地質 關隘 名勝 古蹟

第二卷

交通 植物 動物 禮俗 宗教

第二編 建置事迹

第一卷

城池 學宮 舊廨 祠廟 倉廩 驛傳 防汛 橋梁 坊表 冢墓

第二卷

正紀 雜紀

第三編 經濟

第一卷

實業

第二卷

財政

第四編 黨政組織

第一卷

黨部 機關

第二卷

團體

第三卷

學校

第四卷

自治

第五編 選舉 職官

第一卷

徵士 科名 貢士 武科 封蔭 學校畢業生

第二卷

歷任官佐 官績 雜選 文職衆途 武職衆途

第六編 人物

第一卷

帝王 后妃 名臣 仕蹟

第二卷

儒林 文苑 忠節 孝義